

PRELUDIO: (agpasango dagiti agakem ken masindian dagiti candela ti altar)

INTROIT: **“When I Look Into Your Holiness”**

*When I look into your holiness,
When I gaze into your loveliness
When all things that surround
Become shadows in the light of you*

*When I’ve found the joy of reaching your heart
When my will becomes enthroned in your love
When all things that surround
Become shadows in the light of you*

I worship you, I worship you
The reason I live is to worship you (2x)

****AYAB TI PANAGDAYAW:**

Pangulo: Umaykayo, dakayo a managayat ti presensia iti Dios a Mannakabalin tapno agdaydayaw tayo Kenkuana.

Gimong: Wen, umasidegkami nga agdaydayaw ti sanguananna.

Pangulo: Addaantayo koma ti nadalus a puso ken panunot a mangitantan-ok iti Dios a nagtaudan iti amin a kinaimbag.

Gimong: Idatagmi ti naimpapusoan a panangidir-i iti Naganna.

Pangulo: Agragsaktayo ngarud kas ipasettayo metti naindaklan nga aldaw para kadagiti am-amma.

Amin: Agrag-o tayo iti trono ti Dios pakairamanan ti panangpadayaw kadagiti am-amma.

****INBOKASYON:**

****HIMNO TI PANAGDAYAW:**

“Naragsak Kam Nga Agdaydayaw”
(Joyful, Joyful, We Adore Thee)

*Naragsak kam nga agdaydayaw, Dios ti Gloria ken ayat,
Pusomi kas man sabsabong, sangoanam apagukrad;
Ulep ti basol waknitam, yadayom panagduadua,
Sica, gubuayan ti ragsak, itdem silaw iti biag.*

*Amin dagiti pinarsuam, umay dita sanguanam,
A mangidaydayaw kenca ti awan patinggana;
Talon, baker, tanap, bantay, nalangto a mulmula,
Tumatayab agkankanta, Kenca agdaydayawda.*

*Agkaykaysatayo amin, mangitan-ok dayawna,
Naammaan nga ayatna, kadatay mamagkaysa;
Agkantatayo a kanayon, sibaballigi ken basol,
Ti naragsak a misuka, balligi biag itdenna*

LITANIA TI PANANGIBABAET KADAGITI AM-AMMA:

Pangulo: Masansan, ag-uummongtayo iti nagaed a panagdaydayaw, mangnam-nama a ti Apo sukimatenna dagiti napudno a panggep.

Gimong: Mangnam-nama kami a gapu ti napudno a panangikararagmi kadagiti adu a nagkuranganmi ken kasta met dagiti kalikagum mi, ti Dios ipangagna kami.

Pangulo: Ngarud, sangsangkamaysa tayo a mangitag-ay kadagiti am-amma para iti baro a namnama kas agtultuloy da nga agserbi kadagiti bukodda a pamilya, kadagiti tattao ken kangrunaan iti Apo.

In-inna: Sapay koma ta ti pagayatam ket isu ti agpannuray, O Apo, ket ikkannakami ti bileg a makibinnulig iti adu a suot ken kapadasan kas agasawa.

An-annak: Sapay ta taginayunem nga aramatenna kami kas paset iti pamilya a mangted kired ken rag-o kadagiti am-amma nga naayat kadakami.

Amin: Denggem dagiti ararawmi, O Apo.
(kanito a panagulimek)

Sungbat: **“Precious Lord, Take My Hand”**

*Precious Lord, take my hand, lead me on, let me stand,
I am tired, I am weak, I am worn;
Through the storm, through the night, lead me on to the light,
Take my hand, precious Lord, lead me home.*

*When my way grows drear, precious Lord, linger near,
When my life is almost gone,
Hear my cry, hear my call, hold my hand, lest I fall;
Take my hand, precious Lord, lead me home.*

PANNAKAYALLATIW TI KAPPIA: *(Iyallatiw tayo ti kappia ken talna babaen iti panangkanta ti We are one in the bond...)*

KABLAAW KEN DAMDAMAG PAKASEKNAN TI IGLESIA:

KARARAG DAGITI TATTAO: **Pastor**

DAGITI SASAO TI APO:

****Manipud iti Nasantuan a Surat**

Sungbat: *“Ti saom, silaw dagitoy sakak ken lawag ti pagnaak”*

Babaen iti Mensahe ti Kanta

Pannakailawlawag ti Sao

----- Kanito a Panangbigbig ti Kinaimbag Dagiti Am-amma -----

PANANGIDATON TI BIAG KEN PAGYAMAN:

Pangulo: No itedtayo dagiti gameng ken kinabakngtayo iti sanguanan iti Apo, it-itedtayo metti nalablables a panagyaman a di matukod ti kaungan ti puso ken panunottayo. Mangtedtayo ngarud a siyayaman ken siaayat iti Apo.

(panagited cadagiti pagyaman ken sagsagut)

KANTA TI PANANGIDATON: “Yegyo Ti Bunga”

*Intayo agmula ti bukel ti asi,
Tengnga ti aldaw wenna ti rabii,
Dumtengto ti tiempo intay panagani,*

Makipagratsactayo iti Ari.

Coro: *Yegyo ti bunga, yegyo ti bunga,
Ta dayta ti ragsak ti panagani;
Yegyo ti bunga, yegyo ti bunga.
Makipagratsac tayo iti Ari.*

*Gapu iti Apo intayo agmula,
Uray pay adut' rigrigat ken lulua,
Ti Apo subadannanto ti liwliwa,
Intayto makipagratsac Kencuana. (coro)*

****DOXOLOGIA**

****KARARAG TI PANANGIDATON:**

****HIMNO A PANAGSERRA: "Diosko Patibkerem Ala"**
(Higher Ground)

*O Diosko papigsaennak iti pammati ken ayat,
Imulam dagitoy sakak iti "Bato a Sibibiag"*

Coro: *Diosko, patibkerem ala; daytoy a pammatik Kenka,
Alaennak nga iragpat iti "Bato a Sibibiag".*

*Apo, ikkatem toy duadua ken buteng itoy kararua,
Tapno awan ti lappedna nga awatek dayta grasia. (coro)*

*Pagsantoennak kadi, Ama tapno diak agbasol Kenka,
Ket amin nga aramidko, nasam-it makaay-ayo. (coro)*

****KARARAG TI PANAGSERVI:**

PAMENDISION:

Sungbat: (Tuloy ti "Diosko Patibkerem Ala")

*Itag-aynak nga iragpat iti nangatngato a biag,
Ingganat' maipangatoak iti gloriana a naraniag. (coro)*

POSTLUDIO:

"Enter to rejoice, depart to serve"

Church Bulletin

Welcome!

Kablawandakayo babaen ti presensia iti Apo bayat ti panagmaymaysa tayo iti daytoy a Domingo. Sapay koma ta maaddaan tayo manen iti baro ken nasangsangngayan a kapadasan iti panagdaydayaw tayo.

Note: Mabalin nga ikabiltayo dagiti padamag, programa ken dadduma pay ditoy a paset ti liturgia. Kasta met nga agbalin laeng a pagtuladan wenno guidelinstayo daytoy a liturgia tapno mabalintayo a sukatan ken nayonan dagiti kankanta ken dadduma a pasetna.

UNITED CHURCH OF CHRIST IN THE
PHILIPPINES

North Luzon Jurisdiction

June 18, 2017



Father's Day

